

DEO OPTIMO MAXIMO  
UNI ET TRINO,

VIRGINI DEI-PARÆ, ET S. LUCE,  
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,  
*manè discutienda in Scholis Medicorum, die Jovis trigesima primâ  
mensis Decembris, anno Domini M. DCC. LXXII.*



M. EDUARDO-FRANCISCO-MARIA BOSQUILLON, Equitè,  
Doctore Medico, Præside.

*An ventriculus sympathiæ centrum.*

I.



YMPATHIA apud omnes usurpata vox, à plerisque autem non benè intellecta sub multiplici respectu venit consideranda. Si agatur de mutuâ corporum admonitione attractionem audit à Newtonianis tantoperè decantantam laudibusque benè meritis insignitam.

Si sermo fiat de propensionum illâ & affectionum convenientiâ, vividâ animorum intelligentiâ quæ rapiditate inexplacabili spargitur, communicatur, recipitur, temperamenti indolis, dotium naturæ manu insculptarum conformitate, quâ duæ mentes unitæ sese invicem quærunt, sibi mutuò adherent, sibi quæ quasi immiscentur sympathia nomen amoris sibi vindicat in diverso sexu, in eodem amicitia nuncupatur.

Hodiernæ autem quæstionis objectum non constituit dulcis hæc & rarissima communicatio sed ea quæ grati & ingrati varias inter corporis partes catenam efformat; ita enim à supremo opifice fabricata fuit animata moles ut quandiu sanitate vigeat omnes sibi invicem amicâ societate famulentur partes, cum autem morbo laboret, sibi mutuò compatiantur; unde duplex ab authoribus distinguenda venit sympathia, actionum nempe sæpissimè reperiunda, & passionum unicuique practico singulis diebus multoties occurrentia, unde morborum divisio in idiopathicos & sympathicos, quæ etiam ad symptomata extenditur. Mutui consensûs existentia confirmatur ab Hippocrate cunctis in operibus, præsertim cum dicit confluxio una, conspiratio, una, consentientia omnia. [a] Divo senî assentiri gloriantur Galenus, Celsus Martianus, Helmontius recensque medicorum chorus frequentissimâ experienciâ innixus. Sat parvus in aliquâ parte dolor febrim accendit pertotum corporis habitum sciendam, dolens contremiscit animalis natura, quando pars ulcerosa duritiùs tractatur seu vulnere acris materies instillatur. Quis nescit quantas strages edat paronichia nec non harum partium læsio ubi strictiores membranae sicuti nosmetipsi paucis abhinc hebdomadibus tristissime fuimus experti.

[a] De alimentis sect. IV.

Reciproco partium omnium consensu probato quædam organa ea proprietate in gradu excelliori potiuntur; unde triumviratus ille antiquorum cuius primam agebat personam caput, cor secundam, tertiam ventriculus, centrorum nomine illustrat ea recens physiologia.

Nos autem ventriculi jura accedimus stabilienda eò generosiùs quodd unicuique habendum esse centrum palam profiteamur, si quidem nullum aliud viscus cum cæteris corporis partibus mutuâ magis & exquisitiori sympathiâ polleat.

hoc à nobis demonstrandum fore confidimus, si experientiam testem advoce-  
mus priusque enarratis generalibus sympathiæ causis eas eminentius in pri-  
mario digestionis organo reperiundas exponamus.

## I I.

**SEQUENTES** prælucente face anatomicâ admittuntur mutui partium  
concentus causæ, nervi scilicet, textus c. llularis valorum sanguiferorum  
communicatio, humorum analogia, officiiquæ paritas.

Nervi 1°. partes teretes, sub albicantes arteriarum instar è trunco com-  
muni non progrediuntur, sed fasciculis inter se unitis arctissime oriuntur  
partim à cerebro, partim à cerebello. Male in vitales, voluntarios, spontaneos  
divisi, sensibilitatis, undè voluptatis & doloris ministri, irritabilitatis jure  
quosdam apud præstantiores physiologos [a] immerito triuntur. Constant è telâ  
cellulosâ, & piâ matie cum dura meninx nervum duntaxat opticum vestiat. [b]  
Hisce membranis involuta manet substantia pulposa, coloris albidî, medullæ  
oblongatæ profectò series [c] in quâ verè residet sensibilitas, undè nuda partes  
ubi acutior debet esse sensus circumtegit, sic in apice digitorum, membrana  
pituitariâ, retinâ. Liquoris nervosi vinculum designatur à fautoribus spiri-  
tus animalium variæ juxta quemlibet naturæ, undè non male forsan re-  
jectâ à quibusdam eorum existentia, admittuntur tam immoed eo quod non  
aptius videatur systema, quo varia æconomix animalis arcana referentur.

Sympathiæ causam ad nervos, tam vigiles corporis animati satellites re-  
ferendam esse probat sensibilitas in parte destructa ad quam tendebat nervus  
compressus vel omninò sectus, demonstrant experimenta sæpillimè in  
animalibus tentata, evincunt tristissimâ, frequentissimâ tamen experientia illi  
homines quorum haud prorsus secantur nervi.

Undiquè dispergitur sensibile systema, prò variâ autem parte majori  
minorivè numero, ultimos nervorum fines anastomosibus inter se  
conjugi videntur innuere Willisius, Vieussenius, Winslovius, celeberrimus  
huius scholæ magister A Petit, quarum auxilio spiritus animalis  
circulationem altruere nititur; quidquid sit inter omnes mediatum vel im-  
mediatum adest commercium, tres verò precipui majori gudent unionum  
numero; undè sympathicorum nomine eos illustrat facile anatomistarum  
princeps Winslovius, portio n mpe dura sextimi paris quæ sympathica  
minor, nervus paris 8vi seu vagi qui major sympathicus vel medius, nervus  
intercostalis qui maximus nuncupatur. Ultimus autem ille frequentissimè  
intersecatur nodulis gangliorum nomine insignitis à quibus sympathiam re-  
petunt plurimi.

2°. Textus cellularis sub cute reperiendus, mucoso duntaxat humore  
cujus laminæ sibi applicantur juxta celeberrimum anatomistam [d] constatus,  
nutritius implet succus fibras nerveas, animalis primordia ab eodem ha-  
bitas [e] illiniens, pinguedinis, variorum morborum sedes [f] & humoris  
transpiratorii quasi atmosphaera cellulis constat strictis variè prò variis  
numeribus adimplendis; quam ob rem laxus in vultu, undè formositas  
in mammis undè turgunt ipheræ illæ amabiles, versus lumbos, undè de-  
clicator corporis tractus, versus axillas, undè fascioli brachii motus.  
Strictus, etiam à naturâ in pedum manuumque volis, in piâ menyge, nè  
gravato adiposâ mole cerebro, rueret integer functionum animalium ordo.  
Omnes inter se communicant cellulæ sive in interiori, sive in exteriori,  
quin imò ab hoc ad illud deprehendere est commercium mediante fibrâ  
musculari institutum, sed rectius per magnos hosce hiatus ubi nullo modo  
perforatur membrana cellularis, sed tantum modo duplicatur, undè piâ  
mater, membrana Schneideriana, pleura cunctas pectoris partes involvens,  
peritonæum ipsummet viscerum abdominalium *parenchyma* efformans;  
pectus & caput eum ab extremitate superiori videntur mutuari, abdomen  
vel ab inferiori. Functionis medium censemus esse diaphragma, undè non

[a] Gerd de Villars in  
Theſan ut ſenſibilitas, ſic  
irritabilitas à nervis 1756.  
De Bordeu patim in ope-  
ribus Wit, Eſſais fur les  
Maladies vaporeuses.

[b] Haller elementa Phy-  
ſiologie tom. 3.

[c] Idem. loco ſuprà ci-  
tato.

[d] De Bordeu tiſſu Mu-  
queux.

[e] Cui quidem opinio-  
ni non aſſentitur cum  
Hallero.

[f] Vid. Theſim, an in  
textu celluloſo frequenſius  
morbi & morborum in-  
tationes Authore Françoiſ-  
co Thierri 1749.

malè systematis cellulosi centrum habetur. Jam verò quid nunc dubii super esse potest quin textus cellularis inter sympathiæ causas sit recensendus; probent emphysema, leucophlegmatia, leucophlegmatiae succedens hydrops, hoc in morbo conferentes admodum scarificationes, g] nec non in eo perficiende morborum mutationes, h].

At quedam illius partes inter se magis consentiunt. Ea est ventris gemini superioris, & superiorum extremitatum ratio. Vergit humor per totum divisionis hujus tractum maxime per os, nares, glandulas axillares, & parotidem, unde per hæc effluvia tam sæpe molitur crisin natura in morbis hæc partes afficientibus. Unde tam prospero successu propinantur emetica in pleurici, anginâ, soporosis quibusdam affectibus etiam in cerebro formitem habentibus, nec non ptarmica & salivantia. Sic se habent omnes fere ventris infimi partes tum in se, tum relative ad artus inferiores, unde in numerosâ quidem abdominis morborum cohorte, tam sæpe conferunt purgantia. Hæc divisione semel in medium prolata patet veritas aphorismi hippocratici [i] *in morbis pectoris purgatio per superiora, in abdominis autem per inferiora, in splenicis & hepaticis per neutrum ventrem*, eo quod ventriculus splenem premens, pressus ipsemet ab hepate cum omni systemate celluloso coarctatur. Et etiam propter divisionem ab eodem textu cellulari juxta longitudinem corporis efformatam major videtur adesse consensus inter ejusdem lateris partes, sic pulmone sinistro suppuratione correpto rubet sinistra faciei pars, sic hepate ægroto laborant extremitates lateris dextri, & frequentissime œdematiâ afficiuntur.

3<sup>o</sup>. Vasa sanguifera duplicem conum efformantia cujus apex cordi inseritur, in arteriosa venosaque dividuntur; referunt arbores truncis ramis nec non capillamentis quæ sese mutuò accipiunt immediatumque stabilium commercium.

Circulatorio sanguinis motui destinantur, ut optime demonstratum habemus ab Harveo, in magnis verò truncis venit duntaxat deprehendendus, in minimis enim adest motus oscillatorius quo ita reditque sanguis.

Si autem purpureus latex in aliquo vase reperit obices, ubi minor sese offert resistentia eo præcipiti ruit flumine, hoc fundamento revulsioni, derivationisque leges liberius profectò in theoriæ campis exspatiatæ innituntur, unde sub hoc respectu à vasis sanguiferis repetenda venit sympathia, unde obstructo splene seu rene major ad venerem proclivitas, unde hepatis infarctus sequuntur hæmorrhoides, unde hinc & illinc fertur sanguis suppresso fluxu menstruo, unde ut redeat optatum tantoperè istud malum ligantur crurales arteriæ.

4<sup>o</sup>. Humor est quælibet sanguinis pars ab eo separata ita ut lege ferè inviolabili munus illud adimpleat idem organum. Hujus separationis mechanismus secretio nuncupatur, & absolvitur plurimo mediorem concursu, majori minorive glandularum, organi nempe secretorii, à corde distantia, longiori breviori ampliorum seu tenuiorum vasorum tractu, variâ partium circumjacentium naturâ diversâ glandularum sensibilitate, unde humores iidem in iisdem organis fecernuntur, unde huc redit officii paritas. Nihil ergo mirum quartam ex hinc & quintam elucescere sympathiæ causam; hoc autem confirmat experientia. Suppressâ perspiratione sanctorianâ fit diarrhæa, catharrus, abundantior narium mucus, copiosior urinosus latex, audiâ sic eadem contraria sese præbent phænomena [k]. En sympathiæ generales causæ quarum concursus in ventriculo nobis remanet demonstrandus, nè autem rursus quem jussit adeo de se moverunt antiquissimi illi naturalistæ de dentis aurei mechanismo acriter disputantes inter se, siamur participes, stomachi sympathiam cum omnibus aliis corporis partibus duce experientiâ ostendere operæ præstium esse duximus.

[a] Vide Theſum, an Leucophlegmatia levis scarificationes Authore col de Villars 1741.

[k] Vide Theſum D. Thyerri jam citatam.

[i] Aphorism: 18. Sect. IV.

[k] Vide Theſum an sudori & perspirationi ceteræ excretionis vicar. Authore celeberrimo Boavate 1739.

TANTA in universalis ventriculi sympathiae demonstrationem militat argumentorum ex ipsiusmet experientiae armamentario depromptorum copia ut non inveniendis, sed in eligendis sit labor. Nè autem observationum numero complicationeque obrutus sermo impenetrabili obscuritatis velo obtegatur, considerandam nobis eam suscipimus in statu sano, morboſo, relativèque ad remediorum effectus. 1°. F. mis peculiaris quidem ventriculi sensationis tempore, hujus-ce viſceris titillat calor, pondus ingratum regionem epigaſtricam premit, difficilis anhelat respiratio, undè frequentissima oſcitatō, pallor in ore sedet, vacillat caput, convulſionibus torquentur artus alternà vice ſyncopem excipientibus, ruit omnis functio, ſumpto vix alimento fugit triftis hæc ſymptomatum cohors, lætitiâ involuntario mœrori ſuccedit, ubique redit alacritas; D. Dhuaume ſaluberrimæ Facult. Med. Par. Doct̃or celeberrimus novit juvenem ſexdecim annos natum qui quotiè horis matutinis panem ſuum edere omittebat, circà meridiem vertigine tenebriſcâ & animi deliquio corripiebatur, vix jam deglutierat offam cum omnia evaneſcebant ſymptomata [a].

[a] Vide Theſim an à nervis præcipui patium conſenſus 1758.

Digeſtione inchoatâ adest capitis gravitas, ad ſomnum, naturalem dicam, trahit nos propenſio, inflammantur oculi, hebes fit auditus, rubet facies, ſtringitur pectoris compages; vibrant frequentius, altiusque arteriæ, mutâ caloris & frigoris corpus occupatur viciffitudine, contrahuntur cutis oriſicia, tunc aliquandò in hypocondriacis, iſteri irregulares prodeunt, videntur melancholici trementes hoc tempore & quorum manus & crura ſtupore detinentur. Integrum quibuſdam corpus convellitur; nonnullos leves epilepſiæ manent inſultus; exiit vir cujus herpes crura occupans digeſtionis momento collabebatur & albeſcebat brevique ſæviebat acrius. Quis nescit dolorem adauctum in parte vulneratâ epotato vix liquore ſpirituoso tenuiſſimo tamen gutture, nec non ſcorbuto affectos artubus tunc divexari.

[b] Vide Theſim an omnes organiæ corporis partes digeſtioni opitulentur, & quâ plurima depromptiſſe nos lubenter hic ſciuntur.

Ex his concludere eſt digeſtionem eſſe conamen in quo quidquid ipſi ineſt virium impendit natura, ut aſſumpta ſuo ſubmittat imperio. [b] Undè claudicat in vulnerato, donèc evadat perfecta cicatrix, in artu quodam deſtitutis, paralyticis quorum ventriculus tonicis identidem excitandus.

Undenam niſi à generali viſceris illius conſenſu fames oculo ſeu imaginationi ſeſe offerente cibo qui multopere arridet? undenam nauſeæ, vomitûs, non nunquam excitatio conſequentèr ad ſpectaculum immane, rem horridam aut falſidioſam ſerientia oculis vel quæ ſibi eſſingit malè pia mens?

Hic videtur eſſe ſenſationum ſedes, terrore quatuntur præcordia, ſtringit ventriculum mœror, relaxat metus, in lætitiâ, jucunda & inexplicabilis mulcet eum titillatio, quid in dulci amoris ſervitute, & in mediis aſtuantis ingeniî ſentiat ignibus explicet quis voluerit.

2°. Ventriculi ſympathiæ cum omnibus corporis partibus tum ſub intuitu generali habitis, tum relativè ad ſingulas, exempla nunc præbeamus. Nemo nescit quantas pèr integrum æconomiæ animalis ſyſtema ſtrages edant venena; triftibus horum Viſtims obrunnunt Medicinæ Annales præſertim apud Wepſerum in Doctiſſimâ ſuâ de cicutâ aquaticâ diſſertatione è quâ ſæpens eruitur obſervatio. Sat numeroſa infantum utriuſque ſexus turba venenatæ hujus plantæ radice ſruſta comederat, vix unus ex iis, ſenſibilioris profeſſo temperamenti deglutiit, cum jam proſtratus humi ſeſe mortuum reſonantibus hinc & inde planctibus, certiffimâ doloris expreſſione interceptâ, verique nimium prænuntiâ voce clamat; ſtridor dentes conquatit, fit urinæ mictio convulſiva, ſpuma viridis erumpit ex ore archiſſimè ſat temporis clauſo remanente, cuncti diſtorquentur artus, pulſant tenera quidem præcordia, tandè agitatîs undequaque oculorum orbibus, phænomeno delirii



semper comite, innocentem exhalat animam, idem sed mixiori modo sese præbet symptomatum agmen in sociis qui vomitu feliciter excitato è gelidis mortis amplexibus fuerunt erepti. Tàm numerosæ, horrendæquè cladis centrum esse ventriculum ostendit, cessatio à vomitu; evincit primarius præcordiorum dolor, & pulsatio, demonstrat in aperto cadavere cicutæ radix nondùm dissoluta, confirmant experimenta sæpissimè in animalibus repetita; meminit Hildanus, [c] mulieris quæ deglutitâ aciculâ tàm horrendum astantibus offerebat spectaculum ut dæmone obsessa haberetur. Fugavit autem dæmonem propinatis emulsionibus cremore panis & orizæ, & evanuit malorum ilias. Quis ignorat clinicis quot mala bilis afferat in præcipuo digestionis organo putrescens, seu putrida quæcumque alia materies, tunc animi sit deliquium, capitis vacillatio, tristitia vultui hæret infixâ, nausea fatigat cum insuperabili alimentorum fastidio, sitim inextinguibilem suscitât natura suæ semper conservationi invigilans, ventriculum nescio quæ torquet anxietas, artus omnes torpor occupat languensquè corpus non bene sustentant pedes tremulenti, spiritualis quasi absorbetur substantia. Nonnè singulo die unicuique practico sese offert integra corporis moles à sanitatis folio disturbata in plerisque infantum morbis, quorum origo vel est lac coagulatione acidum caracterem sibi vindicans, viscidae substantia frequentior vermium nidus in ventriculo stabulans. In eo hærerè plerorumque morborum fomitem incipias iturus nemo. Hic sedem habent numerosa febrium intermittentium turba, febris putrida, variolæ, affectio hypocondriaca. [d]

Ventriculi sympathiam cum capite demonstrant deliria, vertigo, affectus soporosi teste praxi oculatissimâ ut jam diximus ab illo viscere oriunda, unde dixit Helmontius in præcordiis habitare sagittatorem delirii & amentiarum, ostendunt capite læso, fracto, contuso, nausææ, & vomitus. Cum oculis, varia eorundem agitatio, quando assumptum fuit venenum, & à practicis observata pupillæ dilatatio in infantibus quos vermes excruciant, cum auribus, variorum vocis instrumentivè modulaminum factus ipse particeps, dulcique harmoniâ sedata famis intensitas, cum facie pallor ei insidens stomacho materie indigestâ, seu vermibus obfesso, cum naribus, vomitus ab ingrato odore concitatus, & titillatio quâ injucundè omnino pituitaria afficitur membrana vermibus in regione epigastricâ reptantibus, cum linguâ, aphonia ventriculo aliquo humore læso, necnon variarum illius affectionum index à practicis reddita, cum labiis, eorum tremor urgente vomitu: cum faucibus, stomachi subversio titillatâ quâ obvestiuntur membrana: cum parotide, & amygdalis earum tensio fame ventriculum sollicitante: cum pulmonibus, asthma, rheuma, tussis præsertim infantum clangosa, difficilis respiratio, vacuo, pleno, digerente ventriculo, angustior pectoris curvatura in affectione hypocondriacâ, cujus sedem in regione epigastricâ collocat Hoffmannus [e] in phthisi vomitus supervenientes, cum corde animi deliquium materie putridâ circâ præcordia hærente, pulsus intermittens diarrhææ criticæ index, cum diaphragmate singultus, nimis repleto, à nimia temporis distantia vacuo, acrivè substantiâ corrosa digestionis organo, cum hepate inflammationes sibi invicem communicatæ, vomitus calculo vesicam felleam obfidente, icteri, digestionis tempore, nonnunquam ut jam dictum fuit, prodeuntes; cum splene major minorve illius moles pro vario ventriculi statu, cum intestinis vomitus enormis in bubonocoele, idem desinens incipiente diarrhæâ suppressamquè excipiens, cum renibus in nephritide & calculo, assidua vomituritio, undè etiâ cum vesicâ demonstratur ventriculi consensus; ejusdem anxietas, depressio, debilitas familiares iis qui nimiooperè veneri indulgere sympathiam demonstrant cum genitalibus, necnon glandis vellicationes digestionis momento quibusdam in melancholi-

[c] Observatio 34 lib.

[d] Vide Theſim àn ut acutorum fomes sic chronicorum officina ventriculus Auctore D. Mauduyt de la Varenne, celeb. hujus Scholæ Magistro 17, 8.

[e] Med. rat. syst. Tom. III. Chap. 5.

cis perceptæ, probat idem cum utero vomitus fluxus albi ferè sempèr assiduus comes, appetitus prostratio urgente fluxu menstruo, suppressio pondus regioni epigastricæ incumbens, nausea & animi deliquium frequentissimè conceptionis indicia, viciniquè partus prænuntia, unde quicquid delirat uterus, sentit sthomachus, unde Hippocrates dicit, nihil magis experimento comperitum esse quàm laborante utero ventriculum nauicare ac everti, & cum ventriculus dolet, nisi exiguus admodum dolor sit uterum etiàm paulo post dolere, evincit cum cute rigor bilem evomiturientibus, gelidos latices epotantibus, frigus in digestionem perceptum cuius causa ad chilum frigidiorē densiorem referitur immerito, nondum enim inchoat celebrissima illa functio, idem est illius atquè sanguinis calor, majoriquè gaudet fluxilitate, cum artubus probant convulsiones sæpissimè jam in medium prolata, vomitus iis quorum amputantur supervenientes, podagra fomitem habens in ventriculo juxtà Hoffmannum, etenim sub accessione percipitur dolor, æstus, inflatio regionis epigastricæ; vomitu viridescens materie arthritidem annuam sanatam habemus à Van-Swietenio *f*, colici dolores, qui humidum frigidumve pavementum nudo calcantes pede subitò occupant.

3°. Universalem ventriculi sympathiam arguunt remediorum effectus; deliria, vertigines, affectus soporosos sæpissimè curant emetica, iidem mediantibus fugantur tumor faciei, lingue crassities, & tordes, anginae etiàm inflammatoriae, præterquè tussis præteritum infantum clangosa *[g]* pleuritides ut praticos docet experientia *[h]*. In morbis omnibus pestiferis conducunt. Deliquia animi, febres intermittentes, putridas, malignas, curat haud raro vomitus, qui sic determinatur, accidit tremor labii inferioris, rigor integrum corpus occupat, gravantur oculi, dolet caput, pallet facies totus homo convellitur. Quis nescit quantum boni secum trahant absorbentia, vires suas in primam digestionis officinam exerentia, sic enim irrita perit acidorum actio, vibratè admodum systema excitans, unde frequentissimi epilepsiae insultus vomitoriis tutius curandi; in syncope unicà liquoris spirituosè guttulà motus redditur, constat apud omnes quam citò dolores in quacunque corporis parte excitatos compescat opium, ipso vix ingressò dirisissimis finis imponitur convulsionibus, definit partium rigor, sitquè cutis laxitas, unde optimum habetur diaphoreticum, unde in variolis non nunquam narcotica; *[i]* quid dubii quominus saccharata & emulsionata, tusses & nephritides curent sola in ventriculum actione. Sic assumpto astringente validissimè hæmorrhagiæ in locis quàm maximè remotis sistuntur, sic martialis ope tonus cunctis redditur partibus.

Experientiae tam fortiter in nostram opinionem militanti sociam adjungere Theoriam nunc opus est. Causas verò sympathiae generales in precedente enumeratas paragrapho in ventriculo conjungi demonstrandum, quod patebit delineatâ visceris illius structurâ.

#### IV.

**V**ENTRICULUS in regione epigastricâ situs jecur inter incumbens & lienem pressum, unde versùs hypocondrium sinistrum magis vergens, refert sât benè utrem lusorium, (gallice cornemuse) unde duplex in eo deprehendenda est curvatura, magna una, parva altera, quarum situs variat pro vario plenitudinis vacuitatis vè ventriculi tempore, dum enim vacuus est, magna inferior est parva verò superior, dum refertur alimentis parva posterior, anterior autem magna, duo sunt officia quorum unum superius in sinistro latere cum œsophago continuum vocatur cardia, alterum verò inferius in dextro latere à lumbribus vertebriis duobus digitis distans pylorus nuncupatur, cumque duodeno communicatur, unde sic facilior alimentorum descensus. Tunicis efformatur quatuor, quarum externa à peritonæo oriunda cum diaphragmate continua est, 2a. muscularis duplici instructa fibrarum serie quarum aliæ à cardia ad pylorum rectâ ferè pergunt viâ, aliæ annulorum totidem insilant eum cir-

*[f]* Comm. in Boheer. Tom. IV. de podagra.

*[g]* Vide Theſim àn tuſſi infantum clangoræ emeticum Auth. D. Baſſevide 1731.

*[h]* Vide Borden ſiſſu maguex.

*[i]* Vide Theſim àn variolis nonnunquàm narcotica Aumore D. celeberrimo Biston, ſicetum pro paguam 1772.

cum dant paululum tamen obliquæ, sphincteremque versùs orificium inferius efformant cum longitudinalibus unitæ. Tertia nervea nuncupatur à his, à illis aponevrotica, sed est vera membrana cellularis strictior, quarta denique villosa dicitur propter levem ejus superficiem in qua nihilominus sese offerunt rugæ, nimie ventriculi extensionis productum habendæ, stillat à illà humor gastricus dictus, salivæ, perspirationis materiei, intestinali succo, maxime analogus, arteriarum venarumque numerosâ circumdatur cohorte, tunica autem inter externam & muscularem reperitur nervorum maximæ tenuitatis agmen qui à orificio superiori ad inferius suprà parvam curvaturam pergunt laterum fasciarum ad instar, dum alii vario insistentes itineri, ad latera extremitates, magnamque curvaturam disperguntur, hinc & inde reticulares plexus efformantur quorum filamenta usque ad tunicas internas pervadunt. Ducunt originem à octava conjugatione quæ primario digestionis organo tota ferè sacra est, quæquæ juxtà orificio inhaeret plexus coronarii stomachici tunc nomen gerens, cujus ad efformationem amico concurrunt commercio nervi inter costales medianibus filamentis è gangliis semilunariis plexu hepatico præcipueque splenico proficiscentibus.

Prospero nunc explicanda exitu in superiori exarata paragrapho phœnomena. Explicat ventriculi sympathiam cum capite origo conjugationis octavæ, cum oculis par sextum & quintum cui nervus intercostalis inferitur, cum auribus sæpius repetita quinti & septimi communicatio, cum naribus secundus quinti paris ramus, cum linguâ quintum & octavum par, cum pulmonibus & corde plexus à octavo pari emanantes, cum omnibus abdominis visceribus plexus à intercostali efformati, cum artubus & cute communicatio ejusdem intercostalis cum spinalibus à quibus nervos mutantur cutis & artus. [A]

[A] Vide Thesim D.  
de laouane, jam citatam.

Mediante textu cellulari explicantur in vulnerato tarda digestio, ventriculi morborum solutio per superiora vel per inferiora indifferens, tremor labii inferioris, rheumatici dolores coctionis alimentorum tempore adacti, linguae fordes, & crassities, titillatio à nutriticibus percepta in ioco stomachum inter & mammas comprehenso.

Valorum sanguiferorum ope explicatur incipiente pleuritide, fames ferè canina, cur tam sæpè ventriculo incumbat rheumatica podagrica ve materies.

Humorum analogia efficit cur diarrhæa vomitu curentur & vicissim vomitum curent, cur inæstare languidior ciborum appetitus, vigeat autem in hyeme, cur cibi malè digerantur in alvi profluvio, urinæve incontinentiâ, cur tandem salivâ copiosiori sumine evacuatâ idem sese præbeant phœnomenon.

Mediante officii paritate patet cur esurienti fluat uberior salivalis latex, cur digerenti copiâ majori fecernatur bilis, & in duodenum effundatur, cur sic se habeat lymphæ pancreatica & multo perè splenis volumen imminuat. Quid plura? irritabilis maximè & sensibilis ventriculus, situ partes heterogeneas ferè semper recipit pestiferique miasmatis particulis salivâ immixti suo in sinu comprehendit. Munere centrum est alimentorum quantitate, qualitate frequenter repugnantium undè in continuâ actione adversis hunc intenditur sensibilitatis & irritabilitatis systema.

V.

**Q**UANTA ex hujus-ce theseos veritate in praxim redeat utilitas supervacaneum foret enarrare, proprio sic pondere ruit classis illa medicamentorum jam nunc exulta in qua cuique morbo cuique visceri, idonea collocantur; nemo non videt quanti sit faciendus cæca empiriæ fors. Non omnes à ventriculo morbi, in eo hærentes diversa sæpè requirunt remedia; quin imò ejusdem præsertim emetici indifferens minimè debet esse propinatio. Verumenim apud medicum ratio semper habenda morbi statûs, temporis, naturæ versùs aliam partem crism molientis; adhibendæ cautiones à plethorâ, inflammatione, pectore debili, graviditate, herniâ, &c.

Objicies forsàn ibi sympathiæ centrum ubi thronus animæ qui in cerebro cerebellovè collocatur, variæ authorum circa divinæ illius auræ sedem opinionones adhuc eam ignorari demonstrant.

Istas, sed in illis partibus latet nervorum origo, fatemur equidem, excepto tamen nervo intercostali qui omnium nunc anatomistarum consensu ramo quinti paris ophtalmico juxta petum [a], seu rectius nostræquæ thesi accommodatus juxta Metelium, [b] ramo ejusdem paris pterigoideo, inferitur & sexto, at tamen meritissimo sympathici maximi nomine insignitur. Non autem à solo nervoso systemate pendet mutuus partium consensus, sed à plurimo mediorum concursu quæ in ventriculo adesse probavimus. Quid plura? illa opinio præstantissimis arripit phylosophis, ita sentiebat Epicurus vigilantissimus naturæ scrutator, sic peritissimus moralium institutor, ita tam celeberrimi magistri discipulus haud degener physicus ille poeta Lucretius ut patet versu sequenti,

*Hic exultat enim pavor & metus, hæc loca circum  
Lætiæ mulcent.*

Ità veritate poesim quidem inconditam compensante cecinit Serenus samonicus.

*Qui stomachum regem totius corporis esse  
Contentundum, niti verâ ratione videntur,  
Hujus enim validus firmat tenor omnia membra  
Et contrâ ejusdem infirmantur cuncta dolore.*

Undè Helmontius thronum Archæi toties ab ipso irritatum suppositi stabilivit in præcordiis, undè triumviratum in digestionis systemate Sylvius de Leboë collocavit. Hecquetus præstantissimum hujus scholæ decus dicit [c] naturam ventriculi esse talem atquæ societatem cum toto corpore, ut stomacho totum corpus annuat aut compatiatur, ea nunc videtur esse melioris notæ practicoꝝ sententia, cum felicissimâ manu, sæpè repetitus apud eos vigeat emeticorum usus, [d] undè scriptorum autoritate, ratiocinio necnon experientiæ optimè consonâ freti juvat nos concludere.

*Ergò ventriculus sympathiæ centrum.*

## DOMINI DOCTORES DISPUTATURI.

M. Joannes COLOMBIER.	M. Ludovicus-Henricus BOURDELIN.	M. Ludovicus-Maria POUSSE, Eques.
M. Joannes-Carolus DESES- SARTZ.	M. Ludovicus-Alexander DE CÉZAN.	M. Antonius CASAMAJOR, Censor Regius.
M. Petrus-Maria YTELL- ZARD, M. Petri Poisson- nier, Lectoris & Professoris Regii Vicarius & Successor à rege designatus.	M. Joannes-Baptista LAN- GLOIS.	M. Raymundus DE LA RI- VIERE.

Proponebat Parisiis LUDOVICUS DESBOIS-DE-ROCHFORT, Eques  
Parisiinus, Saluberrimæ Facultatis Medicinæ Parisiensis Baccalaureus,  
Theseos Author. A. R. S. H. 1772. à sextâ ad meridiem.

[a] Mém. de l'Ac. des  
Sciences, Paris 1727.

[b] Mém. de l'Ac. de Bel-  
les Lettres 1745.

[c] De la Digestion,  
fol. 67.

[d] Hic systemati robo-  
ris conciliandi causâ silen-  
tia minimè præteribimus  
illius propagationem sua-  
sisse nobis D. Desseſartæ  
celeberrimum hujus scholæ  
Magistrum, cujus huma-  
nioris erga nos benignitatis  
memoria, grato semper  
hæret pectus iuxta.